

# 【普賢十大願王】簡介

資料出處: 普賢行願品別行疏鈔 整理者: 葉苾芬

- 一、【十大願王】出處:【入不思議解脫境界普賢行願品】(四十華嚴)之第四十卷
- 二、宗旨:以『入法界緣起普賢行願』為宗旨。
- 三、重要性:為華嚴關鍵·修行樞機·文約義豐·功高益廣·能簡能易·唯遠唯深·可讚可傳·可行可寶。
- 四、經名之法意:

		所入		能入	
		何法不思議 (不思議之體)			
入	不思議	解脫 <sub>2</sub>	境界	普賢	行願
心 智 契 合	<b>心言罔及</b> (何名不思議: 1 於人: 超世間, 越權小 2 於心: 非聞思修 及報生識智之 境 3 顯法自體	<b>1. 作用解脫:</b> 作用自在, 脫拘礙故 <b>2. 離障解脫:</b> 具足二智 (如理智、如量智) 脫二障 (理障、事障)	<b>智 造 分 域</b>	<b>德用善順</b>	<b>造修悌求</b>
				人法俱稱普賢 <b>1 法普賢:</b> 至順調善, 普法故賢 約體: 即 本覺心體 諸法本源 一真法界 約用: 以上本有塵沙萬德, 德相妙用, 隨體普周 互相融攝。 普: 一即一切 賢: 一切即一	
	<b>何故不思議:</b> 1 事無邊故 2 理深遠故 3 此二無礙故 4 以性融相, 重重無盡故 <b>何用不思議:</b> 顯法超情, 令亡言故	<b>3 十普:</b> 1) 所求普: 求諸佛所證 2) 化 : 化無盡眾生界 3) 斷 : 無邊煩惱, 一斷一切斷 4) 事行普: 八萬度門無邊行 海, 無不行故 5) 理行普: 隨所修行深入無 際, 徹理原 6) 無礙行普: 事理相交徹 7) 融通行普: 隨一一行攝一切 故		<b>2 人普賢</b> 1) 位前普賢: 地前加行位 資糧位 2) 當位普賢: 十地菩薩、 等覺、妙覺 3) 後位普賢: 文殊、普賢 已成佛竟 不捨眾生 8) 所起大用普: 無有一用不周遍 9) 所行處普: 上八門遍帝網而修 10) 修門時普: 窮三際時念念圓 融, 無竟期故。	

## 【經文】 一、禮敬諸佛

爾時普賢菩薩摩訶薩。稱歎如來勝功德已。告諸菩薩及善財言。

『善男子。如來功德。假使十方一切諸佛經不可說不可說佛剎極微塵數劫。相續演說不可窮盡。若欲成就此功德門。應修十種廣大行願。何等為十。一者禮敬諸佛。二者稱讚如來。三者廣修供養。四者懺悔業障。五者隨喜功德。六者請轉法輪。七者請佛住世。八者常隨佛學。九者恒順眾生。十者普皆迴向』

善財白言。『大聖。云何禮敬乃至迴向。』普賢菩薩告善財言。『善男子。

**言禮敬諸佛者**。所有盡法界。虛空界。十方三世一切佛剎極微塵數諸佛世尊。我以普賢行願力故。起深信解。如對目前。悉以清淨身語意業。常修禮敬。(能禮之相)

(疏鈔: 三業皆遍，常無間故。三業清淨，大小乘所表法意如下:

小乘: 身無三惡，口離四過，意三業淨，故云清淨。

大乘: 為顯大師有天眼通，以身業敬，可見故。果中感神通輪。

為顯大師有天耳通，以語業敬，可聞故。果中感教誡輪。

為顯大師有他心通，以意業敬，可知故。果中感記心輪。)

一一佛所。皆現不可說不可說佛剎極微塵數身。(一佛之前，頓現多身)

一一身遍禮不可說不可說佛剎極微塵數佛。(周遍相)

(疏鈔: 十種禮敬法:

1 我慢禮	后碓上下，無恭敬心	2 唱和禮	高聲喧雜，辭句渾亂
3 恭敬禮	五輪著地(身業)，捧足殷重(意業)	4 無相禮	深入法性，離能所相(始教)
5 起用禮	雖無能所，普運身心， 如影普遍，禮不可禮。	6 內觀禮	但禮身心法身真佛， 不向外求。
7 實相禮	若內若外，同一實相。	8 大悲禮	隨一一禮，普代眾生
9 總攝禮	攝前六門，以為一觀	10 無盡禮	入帝網境，若佛若禮， 重重無盡。

【經】虛空界盡。我禮乃盡。而虛空界不可盡故。我此禮敬無有窮盡。如是乃至眾生界盡。眾生業盡。眾生煩惱盡。我禮乃盡。而眾生界。乃至煩惱無有盡故。我此禮敬無有窮盡。念念相續。無有間斷。身語意業無有疲厭。(總結無盡)

(疏鈔: 準十地經，有十無盡界。今此有二: 謂『眾生、虛空』，於眾生中，開出業、惑。

十無盡界: 1 眾生界盡 2 世界盡 3 虛空界盡 4 法界盡 5 涅槃界盡

6 佛出現界盡 7 如來智界盡 8 心所緣界盡 9 佛智所入境界盡

10 世間轉法輪智轉界盡 (初一是總，皆為化生故，餘九，別集成度生義)

此經所說二種，是觀『能趣入行願』，故略八。但明眾生及虛空界、

以觀行是對治門故，故眾生開出業及惱。)

## 二、稱讚如來

【經】復次善男子。言稱讚如來者。

所有盡法界。虛空界。十方三世一切剎土。所有極微。一一塵中。皆有一切世界極微塵數佛。一一佛所。皆有菩薩海會圍遶。(所讚境)

我當悉以甚深勝解。現前知見。(能讚因)

各以出過**辯才**天女**微妙舌根**。一一舌根出無盡音聲海。一一音聲。出一切言辭海。稱揚讚歎一切如來諸功德海。窮未來際。相續不斷。盡於法界無不周遍。(能讚相)

(**四種辯才**: 1 法無礙解: 於一切法無不通達 2 義無礙解: 於所詮道理無壅塞故

3 詞無礙解: 以智慧力, 普應一切眾生心行差別

4 辯說無礙解:

(**微妙舌根**: 離世間品, 說菩薩摩訶薩有十種舌, 即佛 32 相之第 29 相,

即: 開示演說無盡法門舌...除滅一切生死煩惱令到涅槃舌。)

如是虛空界盡。眾生界盡。眾生業盡。眾生煩惱盡。我讚乃盡。而虛空界乃至煩惱。無有盡故。我此讚歎無有窮盡。念念相續。無有間斷。身語意業無有疲厭。

(總結無盡)

## 三【廣修供養】

【經】復次善男子。言**廣修供養者**。所有盡法界。虛空界。十方三世一切佛剎極微塵中。一一各有一切世界極微塵數佛。一一佛所。種種菩薩海會圍遶。(所供境)

我以普賢行願力故。起深信解。現前知見。(能供因)

悉以上**妙諸供養具**。而為供養。所謂華雲鬘雲。天音樂雲。天傘蓋雲。天衣服雲。天種種香塗香燒香末香。如是等雲。一一量如須彌山王。然種種燈。酥燈油燈諸香油燈。一一燈炷。如須彌山。一一燈油。**如大海水**。(所列供具)

(供具皆云『天』者: 表法界中, 法爾自然有如是不思議德用, 即法爾如是。

『雲』者: 隨緣義, 表由行願力故, 法如是故。佛神力故。

謂此供具, 色相顯然, 智鑒無性從法性空, 無生法起。**能現(行願)、所現(供具)迴無所依**, 應用而來, 來無所行, 用謝而去, 去無所至, 而能墜含悲潤, 注法雨, 益濟萬物, 重重無盡, 故有雲像。另, **如大海水**, 表供養稱理故深。)

以如是等諸供養具。常為供養。(一香一花等, 皆稱理供養, 即一之多也, 皆遍佛也)

善男子。**諸供養中。法供養最**。所謂: (法供養最, 故名為真, 起**十法行**, 皆名之也)

**如說修行供養。利益眾生供養。攝受眾生供養。代眾生苦供養。**

**勤修善根供養。不捨菩薩業供養。不離菩提心供養。**

#### 四【懺除業障】

復次善男子。言懺、除業障者。(陳露先罪，改往修來)

- (懺業有三： 1 伏業懺: 伏令不生 (事法懺，除業障枝末)  
 2 轉業懺: 願於今生常不入惡道受 (事法懺)  
 3 滅業懺: 罪如暗室，懺悔如燈，不以暗多時能拒燈也。(理法懺，拔根)

菩薩自念。我於過去無始劫中。由貪瞋癡。發身口意。作諸惡業。無量無邊。若此惡業。有體相者。盡虛空界。不能容受。我今悉以清淨三業。遍於法界極微塵刹一切諸佛菩薩眾前。誠心懺悔。後不復造。恒住淨戒。一切功德。

(令晝夜六時對十方佛普賢菩薩遍懺六根，即事懺。後令觀心，端坐念實相，即理懺。

若具足懺，須善達順逆十種心：

順十心悔過	逆十心悔過
一，妄計我人，起於身見	十，觀罪性空。
二，內具煩惱，外遇惡友，勸惑我心隆盛	九，念十方佛，翻昔親狎惡友，信受其言
三，內外既具滅善心事，不喜他善	八，隨喜他善
四，縱恣三業，無惡不造	七，修功備過，翻昔三業造罪，不計晝夜
五，事雖不廣，惡心遍布。 猶如獵者，萬般禽獸總帶殺心。 慳貪之者，舉世資財無一不要， 事未必遂，惡心遍布。	六，發菩提心
六，惡心相續，晝夜不斷	五，斷相續心，已能吐之，云何却噉
七，覆諱過失，不欲人知	四，不覆瑕玼 (玉內有病為瑕，玉外有病為玼)
八，虜扈(不慚不順之貌)，抵突不畏惡道	三，怖畏惡道，人命無常。 一息不追千載長往，豈可安然坐待酸痛
九，無慚無愧，不懼凡聖	二，深自剋責，天見我屏處罪， 人見我顯處罪，生慚愧心
十，撥無因果，作一闡提	一，明信因果，終無自作他人受果

\*\*次起十種逆生死心從後翻破前十

如是虛空界盡。眾生界盡。眾生業盡。眾生煩惱盡。我懺乃盡。而虛空界。乃至眾生煩惱。不可盡故。我此懺悔。無有窮盡。念念相續無有間斷。身語意業無有疲厭。

## 五【隨喜功德】

復次善男子。言隨喜功德者。

(由昔不喜他善，故今隨喜，為慶悅彼，除嫉妒障，起平等善，為懺中別義)

所有盡法界。虛空界。十方三世一切佛刹極微塵數諸佛如來。從初發心。  
**為一切智**。勤修福聚。不惜身命。(從因至果，為一切智，為智修福，方是佛因)

經不可說不可說佛刹極微塵數劫。一一劫中。

捨不可說不可說佛刹極微塵數頭目手足。如是一切難行苦行。

圓滿種種波羅蜜門。證入種種菩薩智地。成就諸佛無上菩提。(修智)

(內財之難尚捨，則身外財可知也)

及般涅槃。分布舍利。所有善根。我皆隨喜。(1 諸天，2 龍王，3 人間，八國均分)

及彼十方一切世界。六趣四生。一切種類。所有功德。乃至一塵。我皆隨喜。

(喜諸趣善根)

十方三世一切聲聞。及辟支佛。有學無學。所有功德。我皆隨喜。(喜二乘善)

一切菩薩所修無量難行苦行。志求無上正等菩提。廣大功德。我皆隨喜。

(喜菩薩善)

如是虛空界盡。眾生界盡。眾生業盡。眾生煩惱盡。

我此隨喜。無有窮盡。念念相續無有間斷。身語意業無有疲厭。

(隨喜四類，以攝諸善，佛為最勝，而從因至果，凡所施為，即華嚴經所說之  
真應相即，分圓全收，體用無礙。)

## 六【請轉法輪】 (除謗法障，起慈善根)

復次善男子。言請轉法輪者。

(法: 通『教理行果』。

輪: 約大乘，有: 『圓滿義』，及『摧壞義』，即聖道現前，能摧煩惱。等義。

法輪之『體性』: 大小乘通以八聖道為體。

法輪之『分齊』: 1 ) 小乘: 佛說四諦，名為法輪，若說世語，即非法輪。

2 ) 大乘: 佛一切語及身威儀，皆入法輪，無不益生故。

3) 一乘: 通三世間，俱入法輪，一切眾生語言，亦如法輪。

『請』者: 聲聞自度，但懺而已，菩薩憫眾，故需勸請，請佛普雨，必自他霑洽。

所有盡法界。虛空界。十方三世一切佛剎極微 塵中。——各有不可說不可說佛剎極微塵數廣大佛剎。(此中具二種『無礙』:1)一多無礙·2)大小無礙。以性融相故)

——剎中。念念有不可說不可說。(所請之境:境寬·故所請無邊。  
佛剎極微塵數一切諸佛成等正覺。一切菩薩海會圍遶。(所請之人:果人、因人)

而我悉以身口意業。種種方便。懇勸勸請。轉妙法輪。  
(有隨緣請。有稱性請·須恒悟一切聲如空谷響·緣起無性·非斷非常·——全真·  
無非法界·既聞無所聞·即終日聞法·心觀如此·是『請轉法輪』。)

如是虛空界盡。眾生界盡。眾生業盡。眾生煩惱盡。我常勸請一切諸佛。轉正法輪。無有窮盡。念念相續無有間斷。身語意業無有疲厭。(總結無盡)

### 七【請佛住世】 (即六『請轉法輪』之別義)

言請佛住世者。

(眾生心淨·見佛常住;眾生心垢·見佛捨命。佛無生滅·隨機見殊·故知:  
心淨觀佛·佛則常住·為真勸也。)

所有盡法界。虛空界。十方三世一切佛剎極微 塵數諸佛如來。  
將欲示現般涅槃者。及諸菩薩。聲聞緣覺。有學無學。乃至一切諸善知識。  
我悉勸請。莫入涅槃。(《離世間品》中·明十種善知識)

(\*『般』涅槃:『入』義。(1)息妄歸真·從因趣果(約真論)。;(2)息化(身)歸真(身)(約佛身)  
(\*涅槃:即1)『滅度』義·滅障度苦。 2)『圓寂』義

《涅槃疏》:『涅槃』之『滅』有四義:

1 事滅	事相上·生死因果滅。	
2 德滅	1)若以『緣修』為德·至果捨修也。	2)若以『真德』為德· 無性可取·無相可捨·以佛真德離性相
3 應滅	隨化世間·示滅有因·現亡身智· 應盡還源。	
4 理滅	1) 相空:妄相諸法·空無所有· 妄心所取·體相俱無。	2) 真空:如來藏中恒沙佛法離相離性名空 此體有·相無· 真即不空·空即不有·即是涅槃

『涅槃』之『圓、寂』有四義:

圓	寂
1 義充法界，德備恒沙	體窮真性，妙絕相累
2 法爾無缺，	體自真常 (性淨涅槃)
3 萬德成滿	眾類永寂 (方便淨涅槃)
4 化用普周	用而常寂 (應化涅槃)

經於一切佛剎極微塵數劫。為欲利樂一切眾生。如是虛空界盡。眾生界盡。眾生業盡。眾生煩惱盡。我此勸請無有窮盡。念念相續無有間斷。身語意業無有疲厭。  
(總結無盡)

八【常隨佛學】 (義同:第三迴向《等一切佛迴向》，自利行)

復次善男子。言常隨佛學者。

(謂: 1 拖佛從因至果，所歷之行，所為之事，以為所緣對境，引得心智隨而學之。

2 以觀智融己之心，令常在如此之境，勿執身心定相，致令在慳貪、嗔恚，六塵、五欲顛倒之境。

如此<sup>1</sup>娑婆世界。毘盧遮那如來。從<sup>2</sup>初發心。精進<sup>3</sup>不退。以不可說不可說身命而為布施。剝皮為紙。折骨為筆。刺血為墨。書寫經典。積如須彌。為重法故。不惜身命。何況王位。城邑聚落。宮殿園林。一切所有。及餘種種難行苦行。

(1 隨學之相: 學本師: 娑婆世界。毘盧遮那如來。

1) 娑婆世界為此穢土，眾生可以照觀修習。

2) 佛不離穢土修證，故略舉娑婆，而所歸之佛便須『稱實圓見』故佛舉光明遍照，即依正中真應影略耳。

2 初發心: 發大菩提心。即發心住。有十心:

【發心住】之十種心: 具足十心，便入賢位，名發心住也。

1 信心 (心淨為義)	一、信根本，謂樂念真如法故。 二、信佛有無量功德，常念親近供養恭敬，發起善根，願求一切智故。 三、信法有大利益，常念修行諸波羅密行故。 四、信僧，能正修行，自利利他，常樂親近諸菩薩眾，學如實行故。
2 進心	謂成前信心，令其堅固，是故勇猛，發勤精進，遠離眾苦，故云進心。
3 念心	謂由精進力故，正念現前，所謂六念： 一念佛，謂三身種智無邊功德。二念法，謂教理行果能利益故。三念僧，所謂菩薩理事和合。四念戒，謂諸菩薩三聚淨戒。五念施，財法無畏施眾生故。六念天，第一義天，常樂我淨，是名念天也。

4 慧心	謂由不妄分別，開悟決擇唯識道理，慧解現前，正觀諸法故。
5 定心	修正行也。《起信》云：修行者，「止一切境界相，隨順奢摩他義」，攝心定也。
6 戒心	依《地持論》，菩薩住三聚淨戒，是名戒心也。
7 回向心	菩薩所修善根，回向大菩提果，名回向心也。
8 說法心	謂於惡世法欲滅時，發心受持如來正法，策勵修行，廣為人說，令法廣布，普使人知，名說法心也。
9 捨心	於身命財，及煩惱業，普皆捨故，名捨心也。
10 願心	謂願求佛果大菩提故，云願心也。

(3 不退<sub>4</sub>: 信、位、證、行，四不退:

1 信不退	不退於外道家故。十信第六名「不退心」，
2 位不退	不退二乘法故。十住第七名「不退住」，
3 證不退	不退於凡位故。初地菩薩出過凡位，證聖法故，更不退轉，名「證不退」。
4 行不退	第八地中得無生忍已，必當作佛，更不退轉，一切法中，行一切行，不被相用之所動轉，名「行不退」。

乃至樹下成大菩提。示種種神通起種種變化。現種種佛身。處種種眾會。或處一切諸大菩薩眾會道場。或處聲聞及辟支佛眾會道場。或處轉輪聖王小王眷屬眾會道場。或處剎利及婆羅門長者居士眾會道場。乃至或處天龍八部人非人等眾會道場。處於如是種種眾會。以圓滿音。如大雷震。隨其樂欲成熟眾生。乃至示現入於涅槃。

(明果用中，「示種種神通」者，

(明歸真益物)

1 或云「神足」，「神境」，具足應云「神境智作證通」；

2 或云「運身通」，謂身輕舉，自在無壅，故以為名；

3 或曰「神足」者，陰陽不測謂之神，足謂舉動，即智能運身，如是名神足通也。

4 言「種種」者，或可總舉果中六通也。謂此六種智境無壅，故名為通，故言種種也。)

● 【種種變化】：

轉換舊質名「變」，無而忽有名「化」。此變之與化，佛及菩薩皆能為之，即十八變也。

● 【現種種佛身】：謂即佛之兩重十身，

1) 融三世間十身中，有眾生身、國土身、業報身、聲聞身、緣覺身、菩薩身、如來身、法身、智身、虛空身，即善財所遇諸善知識，皆不離佛身，故云「種種」。

2) 佛上自有十身：菩提身、願身、化身、力持身、相好莊嚴身、威勢身；意生身、福德身、法身、智身。

\*乃至法界無盡身雲。若束而言之，不過體相用三；體即法身，相即報身，用即化身。

佛身功德雖有無量，攝之不出於三身。

如是一切我皆隨學。如今世尊毘盧遮那。如是盡法界。虛空界。十方三世一切佛刹所有塵中。一切如來皆亦如是。於念念中。我皆隨學。如是虛空界盡。眾生界盡。眾生業盡。眾生煩惱盡。我此隨學無有窮盡。念念相續無有間斷。身語意業無有疲厭  
(總結隨學參無止境)

### 九【恒順眾生】(隨順眾生種類、根性，饒益成就，即利他行)

復次善男子。言恒順眾生者。

(1 佛言「隨學」，諸佛因果之行，可宗可慕，順於真理，故須運心做學；

2 生云「恆順」，眾生善惡之行，不離迷心，麤獷乖道，非可軌持等，故不言學。

然不壞假名，不滅假相，法無自性，一切皆如，常以同體大悲融通物我，故云恆順。)

#### 3 如何『順』耶？

1)若見眾生是定有，定有則體異真性，則阻隔難化，故名非順也；

2)若見眾生是定無，定無即斷滅，斷滅亦異真性，還成阻隔，亦非順也。

3)今以普賢行願力故，普見眾生無非性之緣起，既託真性而現，故無自體；

4)既云現也，則幻相歷然，非斷非滅，如鏡現面像，

5)但云面無骨肉之自體，豈不現面像耶？如此普見眾生，是為恆順也

#### 4 眾生不可學，但言順也。然雖不學，必須

1)曠蕩虛心，物我無二，自覺真性，凡聖不差，

2)上合十方如來，下合六道含識，如斯見解，如是用心，方名「普賢行願」；

3)故前門令『合諸佛』，此門令『合眾生』也。妙哉必爾，知者詳焉。

#### 5 隨順眾生種類、根性: 不壞隨緣假相；

「饒益成就」者，則順理觀之，令其稱真，一一離也。

如下文中「為作光明」、「貧得伏藏」等，此義類例，如下七種代眾生苦中六、七二義利他行也，故前隨佛學中標云「自利」也，亦可前智此悲也。

謂盡法界。虛空界。十方刹海。所有眾生種種差別。

所謂卵生。胎生。濕生。化生。

(先顯四種『生命出生的方式』)

或有依於地水火風而生住者。或有依空及諸卉木而生住者。

(眾生生存環境住所的差別)

種種生類。種種色身。種種形狀。種種相貌。種種壽量。種种族類。種種名號。種種心性。種種知見。種種欲樂。種種意行。種種威儀。 (明眾生種類差別)

種種衣服。種種飲食。處於種種村營聚落城邑宮殿。 (明眾生受用差別)

乃至一切天龍八部人非人等。無足二足。四足多足。有色無色。有想無想。非有想。非無想。 (四生九類，義見《入法界品》，普救眾生妙德夜神法門，寄焰慧地)

如是等類。我皆於彼。**隨順而轉**。種種承事。種種供養。如敬父母。如奉師長。及阿羅漢。乃至如來。等無有異。於諸病苦。為作良醫。於失道者。示其正路。於闇夜中。為作光明。於貧窮者。令得伏藏。菩薩如是**平等**饒益一切眾生。

(【**隨順而轉**】者，隨如上彼彼眾生，生起觀智，故云轉也。

【**如奉師長**】者，生我者父母，成我者朋友；

生我法身，皆由師長，乃至教誨引導，直至菩提。

今言**恆順**還同於此也，如來可知，但以普賢行願之力，令觀行遍法界，於如上種類眾生中念念如此，以彼彼眾生有解會者，自霑如上之益。

【**平等**】者，稱性、普觀、普益也。

何以故。菩薩若能**隨順眾生**。則為**隨順供養諸佛**。若於眾生。尊重承事。則為尊重承事如來。若令眾生生歡喜者。則令一切如來歡喜。

(【**順生則為順佛**】：

1 以海印之喻以明。

1)如香水海澄淨，須彌日月四天下中種種眾生，種種國土，居處屋宅，皆於中現。

2)若執此像是有命之眾生，有質之世界，是乖像也；非唯乖像，亦乖海也。

3)必須定知**此像**一一具鹹濕之體，及不宿死屍等十種之德，始名順像。

4)既順像也，始得名為順海，**海即如來，像即眾生**，餘義昭然可見。

2 故〈出現品〉云：「佛子！譬如大海，普能印現四天下中一切眾生色身形像，是故共說以為大海。諸佛菩提亦復如是，普現一切眾生心念根性欲樂而無所現。」

3 是故經云，順生即是順佛，乃至尊重承事歡喜等；是故說名諸佛菩提也。

何以故。諸佛如來。以大悲心而為體故。因於眾生。而起大悲。因於大悲。生菩提心。因菩提心。成等正覺。

譬如曠野沙磧之中。有大樹王。若根得水。枝葉華果悉皆繁茂。

(生死懸絕，迴無所依，名為「曠野」；不生善根，喻以「沙磧」；  
佛菩提法，如「大樹王」；智慧禪定，猶如「枝葉」；菩薩依學，況之以「華」；  
諸佛證此，目之為「果」；一切眾生以為其「根」；以大慈悲而為其「水」。  
水滋樹根，華果繁茂，悲念萬類，成佛果因，合文備矣！)

生死曠野菩提樹王。亦復如是。一切眾生而為樹根。諸佛菩薩而為華果。以大悲水。饒益眾生。則能成就諸佛菩薩智慧華果。(一切諸佛無不從迷而悟，從妄而真。)

何以故。若諸菩薩。以大悲水。饒益眾生。則能成就阿耨多羅三藐三菩提故。是故菩提。屬於眾生。若無眾生。一切菩薩。終不能成無上正覺。善男子。汝於此義。應如是解。以於眾生心平等故。則能成就圓滿大悲。以大悲心。隨眾生故。則能成就供養如來。

(意明【菩提屬於眾生】：

1 傷念滯權教執文字之流，皆譏頓宗云：是佛境界，何關汝事？苦哉！苦哉！

2 今釋此一節有二義：一對緣釋，二觀心釋。

對緣者，如前文云：因於眾生而起大悲，乃至成正覺等。

二觀心者，自有二意：

(1)、攀緣妄想即是眾生，妄起即不覺；覺即無妄，合於本覺，名為成佛。

(2)、思惟觀察法義，此心念念生起，亦是眾生；

必因此心念念推察方見正理，成智方證菩提，故云爾也。)

菩薩如是隨順眾生。虛空界盡。眾生界盡。眾生業盡。眾生煩惱盡。我此隨順無有窮盡。念念相續無有間斷。身語意業無有疲厭。(總結無盡)

## 十【普皆迴向】(回轉，趣向；除狹劣障，生廣大善)

復次善男子。言普皆迴向者。

(1 回己修善，向於三處，謂實際、菩提及與眾生，

2 或開為十：

- 一、回自向他；二、回少向多；三、回自因行，向他因行；                    «隨相» (迴向眾生, 隨相)
- 四、回因向果；五、回劣向勝；六、回比向證；九、回世間向出世間 «離相» (迴向菩提隨相)
- 七、回事向理；八、回行布行，向圓融行；                                    «非隨非離» (迴向實際，離相)
- 十、回順理事，向理所成事。   (通三種迴向)

若闕隨相，則墮二乘；若闕離相，則墮凡夫；隨相護二乘，離相護煩惱。

從初禮拜。乃至隨順。所有功德。皆悉迴向。

(即前九門, 所以要此三者(三種迴向)· 凡是菩薩· 必大悲下化· 大智上求· 而離眾生及菩提相。)

更以類取· 略有十意：

1 依三法故·	依體性(迴向實際)、德相(迴向菩提佛智)、業用(迴向眾生)三法。
2 滅三道故	能滅惑、業、苦三通道 見實際· 方能滅苦；照煩惱空· 即得菩提；回結縛業為利生業等。
3 淨三聚故·	能清淨攝律儀戒、攝善法戒、攝眾生戒 謂向實際故律儀離過；向菩提故廣攝眾善；向眾生故即是饒益有情也。
4 顯三佛性故	能顯示正因佛性、了因佛性、緣因佛性。 向實際正因；向菩提了因；向眾生者· 即是緣因。
5 成三寶·	能成就佛、法、僧三寶 向實際成法寶；向菩提成佛寶；向眾生成同體僧寶。
6 會三身·	能會合法身、報身、化身三種佛身、
7 具三德·	能具備斷德、智德、恩德三種德相 謂向實際成斷德；向菩提成智德；向眾生成恩德。
8 得三菩提·	獲得實相、實智、方便三種菩提 謂向實際得實相菩提；向菩提得實智菩提； 向眾生得方便菩提· 菩提樹下示成佛故。
9 證三涅槃	證得性淨、圓淨、方便三種涅槃
10 安住三種秘密藏故	安住法身、般若、解脫三種秘密法藏 由向實際則住法身· 佛以法為身· 清淨如虛空故；由向菩提能成般若· 菩提朗鑒· 居然照極故； 由向眾生能成解脫· 自既無縛· 令他解縛· 隨機應現· 亦無礙解脫也。

盡法界。虛空界。一切眾生。願令眾生**常得安樂**。無諸病苦。欲行惡法皆悉不成。所修善業。皆速成就。關閉一切諸惡趣門。開示人天**涅槃正路**。

(願離苦成善· 乃至涅槃。既普法界一時皆願· 則橫遍十方也；

言「常得」等者· 則豎窮三際也。)

若諸眾生。因其積集諸惡業故。所感一切極重苦果。**我皆代受**。令彼眾生悉得解脫。究竟成就無上菩提。(此明『發心代苦』。)

**苦由業生，何能代之？略有七意：**

- 一、起悲意樂，自居凡境，事未必能。 (意樂)
  - 二、修諸苦行，後能與物為增上緣，即名為代。(緣)
  - 三、留惑潤生，受有苦身，為物說法，令不造惡，因亡果喪，即名為代。(緣)
  - 四、若見眾生造無間業，當受大苦，無異方便，要須斷命，自墮地獄，令彼脫苦，即名為代
  - 五、由初發心，常處惡趣，乃至饑世，身為大魚，即名為代。(四、五實代)
  - 六、大願與苦皆同真性，今以即真之大願，潛至即真之苦。(理觀)
  - 七、法界為身，自他無異，眾生受苦，即是菩薩。(理觀)
- \* 然約『有緣』方能代爾。

菩薩如是所修迴向。虛空界盡。眾生界盡。眾生業盡。眾生煩惱盡。我此迴向無有窮盡。念念相續無有間斷。身語意業無有疲厭。(總結無盡)

善男子。**是為菩薩摩訶薩十種大願具足圓滿**。若諸菩薩。於此大願。隨順趣入。則能成熟一切眾生。則能隨順阿耨多羅三藐三菩提。則能成滿普賢菩薩諸行願海。是故善男子。汝於此義。應如是知。(結益令知)

(以下，顯經勝德)

若有善男子善女人。以滿十方無量無邊不可說不可說佛剎極微塵數一切世界。上妙七寶及諸人天最勝安樂。布施爾所一切世界所有眾生。供養爾所一切世界諸佛菩薩。經爾所佛剎極微塵數劫。相續不斷。所得功德。若復有人。聞此願王。一經於耳。所有功德。比前功德。百分不及一。千分不及一。乃至優波尼沙陀分。亦不及一

或復有人。以深信心。於此大願。受持讀誦。乃至書寫一四句偈。

(總明『法行』也，總有十種：

- 一書寫，二供養，三轉施，四聽聞，五披讀，六受持，七開示，八諷誦，九思惟，十修習。
- 今但有四：一受持，二讀，三誦，四書寫；兼前聽聞，唯舉五行，「乃至」二字，義攝所餘

速能除滅**五無間業**。所有世間身心等病。種種苦惱。乃至佛剎極微塵數一切惡業。皆得銷除。

(**五無間業**:一、受生無間；二、壽命無間，以無中夭者；三、身量無間，以身滿故；四、受苦無間，無等流處所故；五、受報無間，以決定順生故。由具上五義，故名「無間」。隨造一業，便招此報；所言「五」者，即五逆罪，謂：殺父、害母、出佛身血、殺阿羅漢、破和合僧；)

一切魔軍。夜叉羅刹。若鳩槃荼若毘舍闍。若部多等。飲血噉肉諸惡鬼神。皆悉遠離。或時發心。親近守護。是故若人【誦此願】者。行於世間。無有障礙。如空中月出於雲翳。諸佛菩薩之所稱讚。一切人天皆應禮敬。一切眾生悉應供養。

(具多勝德，不出五果。此為『增上果』。)

此善男子。善得人身。圓滿普賢所有功德。不久當如普賢菩薩。速得成就微妙色身。具三十二大丈夫相。

(等流果，亦滿普賢功德行故)

若生人天。所在之處。常居勝族。

(異熟果，乘因感果故。)

悉能破壞一切惡趣。悉能遠離一切惡友。悉能制伏一切外道。(士用果，有善菩薩用)

悉能解脫一切煩惱。如師子王摧伏群獸。堪受一切眾生供養。

(離繫果，八支聖道，滅煩惱故。)

(以下，別明淨土果)

又復是人。臨命終時。最後剎那。一切諸根悉皆散壞。一切親屬悉皆捨離。一切威勢悉皆退失。輔相大臣。宮城內外象馬車乘。珍寶伏藏。如是一切無復相隨。

**唯此願王不相捨離。於一切時。引導其前。一剎那中。即得往生極樂世界。**

到已即見阿彌陀佛。文殊師利菩薩。普賢菩薩。觀自在菩薩。彌勒菩薩等。此諸菩薩色相端嚴。功德具足。所共圍遶。其人自見。生蓮華中。蒙佛授記。(亦異熟果)

得授記已。經於無數百千萬億那由他劫。普於十方不可說不可說世界。以智慧力。隨眾生心。而為利益。

(亦士用果)

不久當坐菩提道場。降伏魔軍。成等正覺。轉妙法輪。能令佛刹極微塵數世界眾生。發菩提心。隨其根性。教化成熟。乃至盡於未來劫海。廣能利益一切眾生。

(究境成佛果，亦離繫果，究竟離故。)

然前段中，初一現報果，今此成佛即後報果，中間諸果皆是生報；

**唯誦一行，五果具足，三報昭彰，終至菩提，于何不習？)**

善男子。彼諸眾生。若聞若信此大願王。受持讀誦。廣為人說。所有功德。除佛世尊餘無知者。

是故汝等。聞此願王。莫生疑念。應當諦受。受已能讀。讀已能誦。誦已能持。乃至書寫。廣為人說。  
(通十法行)

是諸人等。於一念中。所有行願。皆得成就。所獲福聚無量無邊。能於煩惱大苦海中。拔濟眾生。令其出離。皆得往生阿彌陀佛極樂世界。

(殷勤頌德，意在勸持。

然此經一卷，文少義豐，實修行之玄樞，乃華嚴之幽鍵，功高德遠，何不修持，西域王臣，未有不習。)

\*註: 以下經文為偈頌。

(【普賢十大願王】簡介，竟，2022，1，11)